



Kuno Fencker  
Inatsisartunut ilaasortaq, Siumut

## KNR radio pillugu – § 37 naapertorlugu apeqqummut nr. 211/2024-mut akissut

20-09-2024  
Suliap normua: 2024 - 1595  
All. nr. 24583738

Asasara Kuno Fencker,

Postboks 1029  
3900 Nuuk  
Oqarasuaat: +299 34 50 00  
Mail: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfignissavakka.

### **Apeqqut 1: Kalaallit Nunaata Radiua oqaatsit marluk atorlugit radiukkut nutaarsiassaqaartitsisarnera allangortinniarlugu Naalakkersuisut nutaamik isumaqatigiissusiornissamut pilersaaruteqarpat?**

**Akissut:** Radiokkut tv-kullu aallakaatitsisarneq pillugu Inatsisartut inatsisaani nr. 7, 8. juni 2014-imeersumi (Radio tv-lu pillugit inatsit) § 20, imm. 9 naapertorlugu innuttaasuni ikinnerussuteqarlutik kalaallit oqaasiinik ilitsoqqussaralugu oqaaseqartuunngitsut aallakaatitassiamini sapinngisamik annertunerpaamik isumagineqarnissaat KNR-ip qulakkeertussaavaa.

KNR-ip oqaatsit marluk atorlugit nutaarsiassiisarnerata allangortinneqarsinnaanera Naalakkersuisut KNR-illu siulersuisuisa akornanni eqqartorneqarnikuunngilaq. Naalakkersuisut KNR-ip siulersuisui peqatigalugit innuttaasunik kifartuussinermi massakut isumaaqatigiissutaasup piffissap ingerlanerani allangortinneqarsinnaanera eqqartornikuuaat, KNR-imili siulersuisut periusissiap suliarineqartup naammassineqaaqqaarnissaa kissaatigisimavaat isumaqatigiissullu allangortinneqartariaqassappat saaffiginnittussaallutik.

Inussiarnersumik inuulluaqqusillunga

Aqqaaluaq B. Egede